

նով են կոչուում, որ ցոյց են տալիս այդ ցեղի բացասական, դրական կողմը, ծագումը, պարագմունքը և այլն¹:

Այս հիմամբ Մասմանց տունը, կամ Մասմայ ծոերը, որ և մեծ մասամբ գլխաւոր երկու զիւցազնի Դաւթի և Մհէրի² անունով է կոչուում, պէտք է համարել նորագոյն ձև. նախ շատ բնական է այդ ձևը, ինչպէս որ կայ Իլիական քաղաքի կամ միջնաբերդի անունով և Ողիսական՝ զիւցազնի: Մեզ թուում է, որ այդ վէպը Մասունի հոշակ ստանալուց յետոյ է Մասմանց տուն, Մասմայ ծոեր և այլ նման անուններ ստացել. իսկ նախնական ժողովրդական կոչումը եղել է Ջոջանց տուն: Եւ երբ որ մենք համոզուեցանք, որ Քաջանց տան վէպի հրատարակուած երեք փոփոխականը Արշակունեաց վէպն են, որոնց մէջ Քաջանց տուն, թագաւոր, և այլն մեր Արշակունիքն ու Դ. դարու թագաւորներն են, մանաւանդ որ Պապն էլ Քաջանց թագաւոր է կոչուում. ուստի մենք Արշակունեաց վէպը Քաջանց տան վէպ կոչելով՝ վստահութեամբ Մամիկոնեանց այս վէպը կոչեցինք ժողովրդական անունով Ջոջանց տուն, որ պահել է միմիայն մի փոփոխակ: №9-ի պատմուածքի ընթացքում շորերից իմացուում է, թէ «Դաւիթ Ջոզանց տնից է». «Դաւթի թօլ տուններ, Մասում չմեայ անտէր, տէր կենայ Ջոզանց տան» (№ 9, էջ 373, 393): «Դաւիթ . . . կը գայ ջոջ Մասմայ տուն» (էջ 378), և «Մասման ջոջ տուն» գործ է ամուած հօթն անգամ երկու էջում (395—397): Թերևս և «Ըորմիկ Ջոզանիք» և «Կիւրդիկ Ջոզանիք» (էջ 381—382 և 395) պէտք է հասկանալ Ջոջանց տունը, որոնց ըւրմիկը՝ նիզակը և զիւրդը՝ վարդը հոշակաւոր պիտի լինէին անշուշտ, ոչ ապաքէն ստացողները զիւցազն Մամիկոնեաններն էին:

Ահա թէ ինչու պահելով տարածուած Մասմայ ծոեր անունը զերազատեցի նախ և առաջ կոչել Ջոզանց տուն:

§ 9. Մի քանի խօսք ևս կարեւոր են համարում յայտնել, մեր երեք

1. Գ. Տէր-Աղէքսանդրեան, Թիֆլիսեցոց մտաւոր կեանքը, մասն Ա. էջ 226—256. Թիֆլիզ 1886: Տիգրան Նաւասարդեան, Հայ-ժողովրդական ճէրիամներ, Ժ. դիրք, էջ 76—83, Թիֆլիս 1905:

2. № 4 «Մհէրի դուռ» ցիշտ պարսկերէն Der-i-Mihr-ն է, որ նշանակում է դուռն Միրի: Գեր-ի-Միմը կոչուում են սեծ գոնարանները (Spiegel, Iranische Akerthumskunde, III, 2, 6. էջ 568): Եւ որովհետեւ Մհէրի դուռը, ինչպէս եւ Ակրիփոսարը, որ փակուել է Մհէր-Միմը, Վանայ մօտ է (Գ. Արուսեմեան, Մանանայ Գ. էջ 58): ուստի մի նոր ապացոյց եւս աւելանում է մեր այն դիտողութեան վրայ, որ Վասպուրականը հուում միհրականութեան կենտրոն է եղել: Տես Ջոջանց տան Պատմականը [Արարատ 1908. էջ 123—124 (49—50)]: